



Val Mela - via e scarpada - intervenziun e masüra urgiainta

Davo cha'l traget chi traversa la Val Mela es gnü migliorà dal 2018 as ha constatà cha'l let da l'aua as sbassa bler plü svelt sco spettà e l'aua maglia davent il pè da la scarpada vers Zernez. La suprastanza cumünala ha dat glüm verda per executar cun masüras d'urgenza per quist traget.

Cusglianza da fabrica cumünala - approvaziun dal contrat

In seguit a l'elecziun da Reto Maurizio i'l mandat sco nouv cusgliader da fabrica es gnüda preparada la cunvegna. Tala ha pudü gnir sancziunada da la suprastanza cumünala. Reto Maurizio segua a Mengia Mathis in quista funcziun.

Rumida da naiv Lavin - surdatta da lavur

Davo cha las lavurs pella rumida da naiv illa fracziun da Lavin sun statts scrittass oura public, ha il gremi respunsabel surdat quist'incumbenza a l'unic offerent a Jachen Andrea Schlegel, Lavin.

Radunanza cumünala - 26 october 2022 - decisiun

Causa mancanza da tractandas per la radunanza cumünala dals 26 october 2022 ha la suprastanza cumünala decis da sdir giò quella e da manar tras la prosma radunanza ils 7 december 2022.

Survista dals progets e da las pendenzas

La suprastanza cumünala ha discus sur da tuot ils progets e las pendenzas da mincha suprastanta e mincha suprastant. Uschè es la suprastanza orientada sur dals progets chi sun actualmaing in trais-cha.